



Վիրահայոց թեմի «Հայարտուն» կենտրոնի ղեկավար Լևոն Չիդիյանի և Թեմի երիտասարդական բաժնի տնօրեն Վալերի Բադալյանի նախաձեռնությամբ, թբիլիսահայ երիտասարդների կազմով կամավորական ջոկատը, 2015 թվականի հունիսի 15-ին մասնակցեց բնական աղետի հետևանքներից քաղաքի մաքրման աշխատանքներին:

Առավոտյան ջոկատը մասնակցեց Թբիլիսիի Սուրբ Էջմիածին եկեղեցում զոհվածների հոգիների խաղաղության համար հոգևոր սպասավորներ Տեր Սամվել քահանա Թորոսյանի և Տեր Նարեկ քահանա Ղուշչյանի կողմից կատարված հոգեհանգստյան արարողակարգին: Այնուհետև կամավորները զինված բաժերով և այլ անհրաժեշտ պարագաներով, ուղքով հասան ողբերգության վայր՝ Թբիլիսիի Հերոսների հրապարակ և Լագունա Վերեի տարածք ու ծեռնամուխ եղան մաքրման աշխատանքներին: Ակտիվիստները ցեխից ու տիղմից մաքրեցին տարածքը, մասնակցեցին ճանապարհը բացելու գործին: Երիտասարդները աշխատեցին ամբողջ օրը և պատրաստակամություն հայտնեցին շարունակել իրենց մասնակցությունը բարեգործական գործողությանը:

Հիշեցնենք, որ 2015 թվականի հունիսի 14-ի գիշերը թբիլիսիում տեղի ունեցած զարհուրելի ողբերգության հետևանքով զոհվածների թիվը, վերջին տվյալներով հասել է 15-ի, ընդ որում չորսը հայազգի Վրաստանի քաղաքացիներ են՝ Լիանա, Ժաննա եւ Սվետլանա Եղիազարով աներ և

նա
Թիլիշվիլի

Եղիազարովա: Անհայտ կորածների թիվը հասնում է 9-ի: Անօթևան է մնացել 24 ընտաիք: Որոնման աշխատանքները շարունակվում են:



